

阿部
棟齊
訓點

四書

論語

片假名付

二

特59


188

東 周 書

論語

朱熹集註序說

史記世家曰孔子名丘字仲尼其先宋人父叔梁紇母顏氏以魯襄公二十二年庚戌之歲十一月庚子生孔子於魯昌平鄉陬邑為兒嬉戲常陳俎豆設禮容及長為委吏州長平為司職吏畜蕃息適周問禮於老子既及而歸復進昭公二十五年甲申孔子年三十五昭公奔齊齊亂於是適齊為高昭子家臣以通于景公欲封以尼父之田晏嬰不可惑之孔子遂行反乎魯定公八年孔子年四十三而季氏強僭其臣陽虎作亂專政孔子不仕而退修詩書禮樂弟子彌眾九年庚



子孔子年五十一公山不狃以費畔季子召孔子欲行
而卒不行定公以孔子爲中都宰一年而四方則之遂
爲司空又爲大司寇十年辛丑相定公會齊侯于陝谷
齊人歸魯侵地十二年癸卯使仲由爲季氏宰墮三都
叔其甲兵孟氏不肯墮成圍之不克十四年乙巳孔子
年五十六攝行相事誅少正卯與聞國政三月魯國大
治齊人歸女樂以沮之季桓子受之郊又不致膳俎大
夫孔子行適衛主於子路妻兄顏濁鄒家適陳過巨
人以爲陽虎而拘之既解還衛主遽伯玉家見南子去
適宗司馬桓魋欲殺之又去適陳主司城負子家居三

歲而反于衛靈公不能用晉趙氏家臣佛胖以中牟畔
召孔子欲往亦不果將西見趙簡子至河而反又主遽
伯玉家靈公問陳不對而去復行陳季桓子卒遺言謂
康子必召孔子其臣止之康子乃召冉求孔子如蔡及
葉楚趙王將以書社地封孔子令尹子西不可乃止又
反乎衛時靈公已卒衛君輒欲得孔子爲政而冉求爲
季子將與齊戰有功康子乃召孔子而孔子歸魯實哀
公之十一年丁巳而孔子年六十八矣然魯終不能用
孔子孔子亦不求仕乃叙書傳禮記刪詩正樂序易繫
繫象說卦文言第蓋三千焉身通六藝者七十二人十

四年庚申魯西狩獲麟孔子作春秋明年辛酉子路死於衛十六年辛戌四月己丑孔子卒年七十三葬魯城北泗上弟子皆服心喪三年而去唯子貢廬於冢上凡六年孔子生鯉字伯魚先卒伯魚生仍字子思作中庸何氏曰魯論語二十篇齊論語別有問王知道凡二十二篇其二十篇中章句頗多於魯論古論出孔子壁中分竟曰下章子張問以爲一篇有兩子張凡二十一一篇次不與齊魯論同

程子曰論語之書成於有子曾子之門人故其書獨二子以子稱


程子曰讀論語有讀了全然無事者有讀了後其中得一兩句喜者有讀了後知好之者有讀了後直有不知手之舞之足之蹈之者○程子曰今人不會讀書如論語未讀時是此等人讀了後又只是此等人便是不曾讀○程子曰願自十七八讀論語當時已曉文義讀之愈久但覺意味深長

論語卷之上

學而第一

朱熹集註

子曰學而時習之不亦說乎有朋自遠方來亦不樂乎
 人不知而不愠不亦君子乎○有子曰其為人孝弟
 而好犯上者鮮矣不好犯上而好作亂者未之有也君
 子務本本立而道生孝弟也者為仁之本與○子曰巧
 言令色鮮矣仁○曾子曰吾日三省吾身為人謀而不
 忠乎與朋友交而不信乎傳不習乎○子曰道千乘之
 國敬事而信節用而愛人使民以時○子曰弟子入則
 孝出則弟謹而信汎愛衆而親仁行有餘力則以學文



○子夏曰賢賢易色事父母能竭其力事君能致其身與朋友交言而有信雖曰未學吾必謂之學矣○子曰君子不重則不威學則不固主忠信無友不知己者過則勿彈改○曾子曰慎終追遠民德歸厚矣○子禽問於子貢曰夫子至於是邦也必聞其政求之與抑與之與子貢曰大夫溫良恭儉讓以得之夫子之求之也其諸異乎人之求之與○子曰父在觀其志父沒觀其行三年無改於父之道者可謂孝矣○有子曰禮之用和為貴先王之道斯為美小大由之有所不行知和而和不以禮節之亦不可行也○有子曰信近於義言可復

也恭近於禮遠恥辱也因不失其親亦可宗也○子曰君子食無求飽居無求安敏於事而慎於言就有道而正焉可謂好樂也已○子貢曰貧而無諂富而無驕何如子曰可也末若貧而樂富而好禮者也子貢曰詩曰如切如磋如琢如磨其斯之謂與子曰賜也始可與言詩已矣告諸往而知來者○子曰不患人之不知己患不知人也

為政第二

子曰為政以德譬如北辰居其所而眾星共之○子曰詩三百一言以蔽之曰思無邪○子曰道之以政齊之

以形民免而無恥道之以德齊之以禮有恥且格○子
曰吾十有五而志于學三十而立四十而不惑五十而
知天命六十而耳從七十而從心所欲不踰知○孟誼
子問孝子曰無違樊遲御子告之曰孟孫問孝於我我
對曰無違樊遲曰何謂也子曰生事之以禮死葬之以
禮祭之以禮○孟武子問孝子曰父母唯其疾之憂○
子游問孝子曰今之孝者是謂能養至於犬馬皆能有
養不敬何以別乎○子夏問孝子曰色難有事弟子服
其勞有酒食先生饌曾子曰爲孝乎○子曰吾與回言
終日不違如愚退而省其私亦足以發回也不愚○子

曰視其所以觀其所由察其所安人焉廋哉人焉廋哉
○子曰溫故而知新可以爲師矣○子曰君子不器○
子貢問君子子曰先行其事而後從之○子曰君子周
而不比小人比而不周○子曰學而不思則罔思而不
學則殆○子曰攻乎異端斯害也已○子曰由誨女知
之乎知之爲知之不知爲不知是知也○子張學干祿
子曰多聞闕疑而言其餘則無尤多見闕殆慎行其餘
則寡誨言寡尤行寡悔祿在其中矣○哀行問曰何爲
則民服孔子對曰舉直錯諸枉則民服舉枉錯諸直則
民不服○季康子問使民敬忠以勸如何之子曰臨之

以莊則敬。孝慈則忠。舉善而教不能則勸。○或謂孔子曰：子奚不爲政？子曰：書曰：「孝乎惟孝，友于兄弟。」施於有政，是亦爲政矣。其爲爲政。○子曰：人而無信，不知其可也。大車無輓，小車無軌，其何以行之哉。○子張問：十世可知也？子曰：殷因於夏禮，所損益可知也。周因於殷禮，所損益可知也。其或繼周者，雖百世可知也。○子曰：非其鬼而祭之，諂也；見義不爲無勇也。

八佾第三

孔子謂季氏八佾無於庭，是可忍也，孰不可忍也。○三家者以雍徹。子曰：相維辟公，天子穆穆，奚取於三家之

堂。○子曰：人而不仁，如禮何？人而不仁，如樂何。○林放問禮之本。子曰：大哉問禮，與其奢也，寧儉。喪與其易也，寧戚。○子曰：夷狄之有君，不如諸夏之亡也。○季氏旅於泰山。子謂冉有曰：女弗能救與？對曰：不能。子曰：鳴乎！曾謂泰山不如林放乎。○子曰：君子無所爭，必也射乎，揖讓而升，下而飲，其爭也君子。○子夏問曰：巧笑倩兮，美目盼兮，素以爲絢兮，何謂也？子曰：繪事後素。曰：禮後乎。子曰：起之者商也，始可與言詩已矣。○子曰：夏禮吾能言之，杞不足徵也，宋不足徵也，文獻不足故也，足則吾能徵之矣。○子曰：禘自既灌而往者

吾不欲觀之矣○或問禘之說子曰不知也知其說者
之於天下也其如示諸斯乎指其掌○祭如在祭神如
神在子曰吾不與祭如不祭○王孫賈問曰與其禴於
寧嬭於竈何謂也子曰不然獲罪於天無所禱也○子
曰周監於二代郁郁乎文哉吾從周○子入大廟每事
問或曰孰謂鄭人之子知禮乎人大廟每事問子聞之
曰是禮也○子曰射不主皮為力不同科古之道也○
子貢欲去告朔之餼羊子曰賜也爾愛其羊我愛其禮
○子曰事君盡禮人以爲諂也○定公問君使臣事
君知之何孔子對曰君使臣以禮臣事君以忠○子曰

關雎樂而不淫哀而不傷○哀公問社於宰我宰我對
曰夏后氏以松殷人以栢周人以栗曰使民戰栗子問
之曰成事不說遂事不諫既往不咎子曰管仲之器
小哉或曰管仲儉乎曰管氏有三歸官事不攝焉得儉
然則管仲知禮乎曰邦君樹塞門管氏亦樹塞門邦君
爲兩君之好有反枯管氏亦有反枯管氏而知禮孰不
知禮○子語魯大師樂曰樂其可知也始作翕如也從
之純如也敝如也釋如也以成○義封人請見曰君子
之至於斯也吾未嘗不得見也從者見之出曰二三子
何患於喪乎天下之無道也久矣天將以夫子爲木鐸

○子謂韶盡美矣。又盡善也。謂武盡美矣。未盡善也。○子曰。居上不寬。為禮不敬。臨喪不哀。吾何以觀之哉。

里仁第四

子曰。里仁為美。擇不處仁。焉得知。○子曰。不仁者不可以久。處約不可以長。處樂仁者安仁。知者利仁。○子曰。惟仁者能好人。能惡人。○子曰。苟志於仁矣。無惡也。○子曰。富與貴。是人之所以欲也。不以其道得之。不處也。貧與賤。是人之所以惡也。不以其道得之。不去也。君子去仁。惡成名乎。君子無終食之間違仁。造次必於是。顛沛必於是。○子曰。我未見好仁者。惡不仁者。好仁者無以尚。

之。惡不仁者。其為仁矣。不使不仁者加乎其身上。有能一日用其力於仁乎。我未見力不足者。蓋有之矣。○宋之見也。○子曰。人之過也。各於其黨。觀過斯知仁矣。○子曰。朝聞道。夕死可矣。○子曰。士志於道。而恥惡衣惡食者。未足與議也。○子曰。君子之於天下也。無適也。無莫也。義是與比。○子曰。君子懷德。小人懷土。君子懷刑。小人懷惠。○子曰。放於利而行。多怨。○子曰。能以禮讓為國乎。何有不能以禮讓為國。如禮何。○子曰。不患無位。患所以立。不患莫己知。求為可知也。○子曰。參乎。吾道一以貫之。曾子曰。唯。子出門人問曰。何謂也。曾子曰。夫

子之道忠怒而已矣子曰君子喻於義小人喻於利○
 子曰見賢思齊焉見不賢而內自省也○子曰事父母
 幾諫見志不從又敬不違勞而不怨○子曰父母在不
 遠遊遊必有方○子曰三年無改於父之道可謂孝矣
 ○子曰父母之年不可不知也一則以喜一則以懼○
 子曰古者言之不出恥躬之不逮也○子曰以約矢之
 者鮮矣○子曰君子欲訥於言敏於行矣○子曰德不
 孤必有鄰○子游曰事君數斯辱矣朋友數斯疏矣
 公治長第五
 子謂公治長可妻也雖在縲紲之中非其罪也以其子

妻之子謂南容邦有道不廢邦無道免於刑戮以其兄
 之子妻之○子謂子賤君子哉若人魯無君子者斯焉
 取斯○子貢問曰賜也何如子曰女器也曰何器也曰
 瑚璉也○或曰雍也仁而不佞子曰焉用佞○子使漆雕開仕對曰
 給屨憎於人不知其仁焉用佞○子使漆雕開仕對曰
 吾斯之未能信子說○子曰道不行乘桴浮于海從我
 者其由與子路聞之喜子曰由也好勇過我無所取材
 ○孟武伯問子路仁乎子曰不知也又問子曰由也千
 乘之國可使治其賦也不知其仁也求也何如子曰千
 也千室之邑百乘之家可使為之宰也不知其仁也赤

也何如子曰赤也束帶立於朝可使與賓客言也不知其仁也○子謂子貢曰女與回也孰愈對曰賜也何敢望回回也問一以知十賜也問一以知仁子曰弗如也吾與女弗如也○宰予晝寢子曰朽木不可雕也糞土之牆不可朽也於子與何誅子曰始吾於人也聽其言而信其行今吾於人也聽其言而觀其行於子與改是○子曰吾未見剛者或對曰申振子曰振也慾焉得剛○子貢曰我不欲人之加諸我也吾亦欲無加諸人曰賜也非爾所及也○子貢曰夫子之文章可得而聞也天子之言性與天道不可得而聞也○子路有聞未之

能行唯恐有聞○子貢問曰孔子子何以謂之女也子曰敏而好學不恥下問是以謂之女也○子謂子產有君子之道四焉其行已也恭其事上也敬其養民也惠其使民也義○子曰晏平仲善與人交久而敬之○子曰臧文仲居蔡山節藻稅何如其如也○子張問曰令尹子文三仕爲令尹無喜色三已之無愠色舊令尹之政必以告新令尹何如子曰忠矣曰仁矣乎曰未知焉得仁崔子弑齊君陳文子有馬十乘棄而違之至於他邦則曰猶吾大夫崔子也違之一邦則又曰猶吾大夫崔子也違之何如子曰清矣曰仁矣乎曰未知焉

得仁○季文子三思而後行子聞之曰再斯可矣○子
曰甯武子邦有道則知邦無道則愚其知可及也其愚
不可及也○子在陳曰歸與歸與吾黨之小子狂簡斐
然成章不知所以裁之○子曰伯夷叔齊不念舊惡怨
是用希○子曰孰謂微生高直或乞醢焉乞謂其鄰而
與之○子曰巧言令色足恭左丘明恥之丘亦恥之匿
怨而友其人左丘明恥之丘亦恥之○顏淵季路侍子
曰盍各言爾志子路曰願車馬衣輕裘與朋友其敝之
而無憾顏淵曰願無代善無施勞子路曰願聞子之志
子曰老者安之朋友信之少者懷之○子曰已矣乎吾

未見能見其過而內自訟者也○子曰十室之邑必有
忠信如丘者焉不如丘之好學也

雍也第六

子曰雍也可使南面仲弓問子桑伯子子曰可也簡仲
弓曰居敬而行簡以隨其民不亦可乎居簡而行簡無
乃大簡乎子曰雍之言然○哀公問弟子孰為好學孔
子對曰有顏回者好學不遷怒不貳過不幸短命死矣
今也則亡未聞好學者也○子華使於齊冉子為其母
講粟子曰與之釜請益曰與之庾冉子與之粟五秉子
曰赤之適齊也乘肥馬衣輕裘吾聞之也君子周急不

繼富原思爲之宰與之粟九百辭子曰毋以與爾鄰里
 鄉黨乎○子謂仲弓曰犁牛之子騂且角雖欲勿用山
 川其合諸○子曰回也其心三月不違仁其餘則日月
 至焉而已矣○季康子問仲由可使從政也與子曰由
 也果於從政乎何有曰賜也可使從政也與曰賜也達
 於從政乎何有曰求也可使從政也與曰求也藝於從
 政乎何有○季氏使閔子騫爲費宰閔子騫曰善爲我
 辭焉如有復我者則吾必在汶上矣○伯牛有疾子問
 之自牖執其手曰亡之命矣夫斯人也而有斯疾也斯
 人也而有斯疾也○子曰賢哉回也一簞食一瓢飲在

陋巷人不堪其憂回也不改其樂賢哉回也○再求曰
 非不說子之道力不足也子曰力不足者中道而廢今
 女畫○子謂子夏曰女爲吾子儒無爲小人儒○子游
 爲武城宰子曰女得人焉爾乎曰有澹臺滅明者行不
 由經非公事未嘗至於偃之室也○子曰孟之友不伐
 奔而殿將入門策其馬曰非敢後也馬不進也○子曰
 不有祝鮀之佞而有宋朝之美難乎免於今之世矣○子
 曰誰能出不由戶何莫由斯道也○子曰質勝文則野
 文勝質則史文質彬彬然後君子○子曰人之生也真
 罔之生也幸而免○子曰知之者不如好之者好之者

不知樂之者○子曰中人以上可以語上也中人以下
不可以語上也○樊遲問知子曰務民之義敬鬼神而
遠之可謂知矣問仁曰仁者先難而後獲可謂仁○子
曰知者樂水仁者樂山知者動仁者靜知者樂仁者壽
○子曰齊一變至於魯魯一變至於道○子曰觚不觚
觚哉觚哉○宰我問曰仁者雖告之曰井有仁焉其從
之也子曰何為其然也君子可逝也不可陷也可斯也
不可罔也○子曰君子博學於文約之以禮亦可以弗
畔矣夫○子見南子子路不說夫子矢之曰予所否者
天厭之天厭之○子曰中庸之為德也其至矣乎民鮮

久矣○子貢曰如有博施於民而能濟眾何如可謂仁
乎子曰何事於仁必也聖乎堯舜其猶病諸夫仁者已
欲立而立人已欲達人達人能近取譬可謂仁之方也已
述而第七

子曰述而不作信而好古竊比於我老彭○子曰默而
識之學而不厭論人不倦可有於我哉○子曰德之不
脩學之不講聞義不能徙善不能改是吾憂也○子之
燕居申申如也夭夭如也○子曰甚矣吾哀也久矣吾
不復夢見周公○子曰志於道據於德依於仁游於藝
○子曰自行束脩以上吾未嘗無誨焉○子曰不憤不

啟不俳不發舉一隅不以三隅反則不復也○子食於
有喪者之側未嘗飽也子於是日哭則不歌○子謂顏
淵曰用之則行舍之則藏惟我與爾有是夫子路曰子
行三軍則誰與子曰暴虎馮河死而無悔者吾不與也必也
臨事而懼好謀而成物也○子曰富而可求也雖執鞭
之士吾亦爲之好可求從吾所好○子之所慎齊戰疾
○子在齊聞詔三月不知肉味曰不圖爲樂之至於斯
曰夫子爲衛君乎子貢曰諾吾將問之入曰伯夷叔齊何
人也曰古之賢人也曰怨乎曰求仁而得仁又何怨出曰
夫子不爲也○子曰飯蔬食飲水曲肱而枕之樂亦在其

中矣不義而富且於我知浮雲○子曰加我數年五十以
學易可以無大過矣○子所雅言詩書執禮皆雅言也○
葉公問孔子於子路子路不對子曰女奚不曰其爲人也
發憤忘食樂以忘憂不知老之將至云爾○子曰我非生
而知之者好古敏以求之者也○子不語怪力亂神○子
曰三人行必有我師焉擇其善者而從之其不善者而改
之○子曰天生德於予桓魋其如予何○子曰二三子以
我爲隱乎吾無隱乎爾吾無行而不與二三子者是丘
也○子以四教友行忠信○子曰聖人吾不得而見之矣
得見君子者則可矣子曰善人吾不得而見之矣得見有

恒者斯可矣亡而為有虛而為盈約而為泰難乎有恒矣

○子釣而不綱戈不射宿○子曰蓋有不知而作之者我

無是也多聞擇其善者而從之多見而識之知之次也○互

鄉難與言童子見門人惑子曰與其進也不與其退

也唯何甚人潔已以進與其潔也不保其往也○子曰

仁遠乎哉我欲仁斯仁至矣○陳司敗問昭公知禮乎

孔子曰知禮孔子退揖巫馬期而進之曰吾聞君子不

黨君子亦黨乎君取於吳為同姓謂之吳孟子君而知

禮孰不知禮巫馬期以告子曰丘也幸苟有過人必知之

○子與人歌而善必使反之而後知之○子曰文莫吾

知也躬行君子則吾未之有得○子曰若聖與仁則

吾豈敢柳為之不厭誨人不倦則可謂云爾已矣公西

華曰正唯弟子不能學也○子疾病子路請禱子曰有

諸子路對曰有之誅曰禱爾于上下神祇子曰丘之禱

久矣○子曰奢則不孫儉則固與其不孫也寧固○子

曰君子坦蕩蕩小人長戚戚○子温而厲威而不猛恭而

安

泰伯第八

子曰泰伯其可謂至德也已矣三以天下讓民無得而

稱焉○子曰泰而無禮則勞慎而無禮則憊勇而無禮

則亂

則亂直而無禮則教君子篤於親則民興於仁故舊不
 遺則民不偷○曾子有疾召門弟子曰啟予足啟予手
 詩曰戰戰兢兢如臨深淵如履薄冰而今而後吾知免
 夫小子○曾子有疾孟敬子問之曾子言曰鳥之將死
 其鳴也哀人之將死其言也善君子所貴乎道者三動
 容貌斯遠暴慢矣正顏色斯近信矣出辭氣斯遠鄙倍
 矣違豆之事則有司存○曾子曰以能問於不能以多
 問於寡有若無實若虛犯而不校昔者吾友嘗從事於
 斯矣○曾子曰可以託六尺之孤可以寄百里之命臨
 大節而不可奪也君子人與君子人也○曾子曰士不

可以不弘教任重而道遠仁以為己任不亦重乎死而
 後已不亦遠乎○子曰興於詩立於禮成於樂○子曰
 民可使由之不可使知之○子曰好勇疾貧亂也人而
 不仁疾之已甚亂也○子曰如有周公之才之美使驕
 且吝其餘不足觀也已○子曰三年學不至於穀不易
 得也○子曰篤信好學守死善道危邦不入亂邦不居
 天下有道則見無道則隱邦有道貧且賤焉恥也邦無
 道富且貴焉恥也○子曰不在其位不謀其政○子曰
 師摯之始闕睢之亂洋洋乎盈其哉○子曰狂而不直
 侗而不愿慥慥而不信吾不知之矣○子曰學如不及

猶恐失之○子曰巍巍乎舜禹之有天下也而不與焉
○子曰大哉堯之為君也巍巍乎唯天為大唯堯則之
蕩蕩乎民無能名焉巍巍乎其有成切也煥乎其有文
章○舜有臣五人而天下治武王曰予有亂臣十人孔
子曰才難不其然乎唐虞之際於斯為盛有婦人焉九
人而已三分天下有其二以服事殷周之德其可謂至
德也已矣○子曰禹吾無間然矣非飲食而致孝乎鬼
神惡衣服而致美乎黻冕卑宮室而盡力乎溝洫禹吾
無間然矣

子平第九

子平言利與命與仁○遠巷黨人曰大哉孔子博學而
無所成名子問之謂門弟子曰吾何執執御乎執射乎
吾執御矣○子曰麻冕禮也今也純儉吾從衆拜下禮
也今拜乎上泰也雖違衆吾從下○子絕四毋意毋必毋固
毋我○子畏於匡曰文王既沒余不在茲乎天之將喪斯文也後死
者不得與於斯文也天之未喪斯文也匡人其如予何○大宰問於
子貢曰夫子聖者與何其多能也子貢曰固天縱之將
聖又多能也子問之曰大宰知我乎吾少也賤故多能
鄙事君子多乎哉不多也宰曰子云吾不試故藝○
子曰吾有知乎哉無知也有鄙夫問於我空空如也我

叩其兩端而竭焉○子曰鳳鳥不至河不出圖吾已矣
夫○子見齊衰者晁衣裳者與替者見之雖少必作過
之必趨○顏淵喟然難曰仰之彌高鑽之彌堅瞻之在
前忽焉在後夫子循循然善誘人博我以文約我以禮
欲罷不能既竭吾才如有所立卓爾雖欲從之未由也
已○子疾病子路使門人爲臣病間曰久矣哉由之行
詐也無臣而爲有臣吾誰斯斯天乎且予與其死於臣
之手也無寧死於二三子之手乎且予縱不得大葬予
死於道路乎○子貢曰有美玉斯韞匱而藏諸求善買
而活諸子曰活之哉活之哉我待買者也○子欲居九

夷或曰陋知之何子曰君子居之何陋之有○子曰吾
自衛反魯然後樂正雅頌各得其所○子曰出則事公
卿入則事父兄喪事不敢不勉不爲酒困何有於我哉
○子在川上曰逝者如斯夫不舍晝夜○子曰吾未見
好德如好色者也○子曰譬如爲山未成一簣止吾止
也譬如平地雖覆一簣進吾往也○子曰語之而不惰
者其回也與○子謂顏淵曰惜乎吾見其進也未見其
止也○子曰苗而不秀者有矣夫秀而不實者有矣夫
○子曰後生可畏焉知來者之不知今也四十五十而
無聞焉斯亦不足畏也已○子曰法語之言能無從乎

改之為貴異與之言能無說乎釋之為貴說而不釋從
 而不改吾未如之何也已矣○子曰主忠信毋友不如
 已者過則勿憚改○子曰三軍可奪帥也匹夫不可奪
 志也○子曰衣敝緼袍與衣狐貉者立而不恥者其由
 也與不佞不求何用不臧子路終身誦之子曰是道也
 何足以臧○子曰歲寒然後知松柏之後彫也○子曰
 知者不惑仁者不憂勇者不懼○子曰可與共學未可
 與適道可與適道未可與立可與立未可與權○唐棟之
 華偏其反而豈不爾思室是遠而子曰未之思也夫何
 遠之有

鄉黨第十

孔子於鄉黨恂恂如也似不能言者其在宗廟朝廷使
 便言唯謹爾○朝與下大夫言侃侃如也與上大夫言
 誾誾如也君在蹶蹶如也與與如也君召使擯色勃如
 也足躩如也揖所與立左右手衣前後襜如也趨進翼
 如也賓退必復命曰賓不顧矣○入公門鞠躬如也如
 不容立不中門行不履闕過位色勃如也足躩如也其
 言似不足者攝齊升堂鞠躬如也屏氣似不息者出降
 一等遲顏色怡怡如也沒階趨翼如也復其位蹶蹶如
 也○執圭鞠躬如也如不勝上如揖下如授勃如戰色

足踏踏知有循享禮有容色私覲愉愉如也○君子不以紺緞飾紅紫不以爲褻服當暑衫絺綌必表而出之緇衣羔裘素衣麤裘黃衣狐裘裘長短右袂必有履衣長一身有半狐貉之厚以居去裘無所不佩非帷裳必殺之羔裘玄冠不以弔吉月必朝服而朝○齊必有明衣布齊必變食居必遷坐○食不厭精膾不厭細食饒而餲魚餒而肉敗不食色惡不食臭惡不食失飪不食不時不食割不正不食不得其醬不食肉雖多不使勝食氣惟酒無量不及亂沽酒市脯不食不撤薑食不多食祭於公不宿肉祭肉不出三日出三日不食之矣

食不語寢不言雖蔬食菜羹瓜祭必齊如也○席不正不坐○鄉人飲酒棧者出斯出矣鄉人儺朝服而立於阼階○問人於他邦再拜而送之康子饋藥拜而受之曰丘未達不敢嘗○廐焚子退朝曰傷人乎不問馬○君賜食必正席先嘗之君賜腥必熟而薦之君賜生必畜之侍食於君君祭先飯疾君視之東首加朝服施紳君命召不俟駕行矣○入太廟每事問○朋友死無所歸曰於我殯朋友之饋雖車馬非祭肉不拜○寢不尸居不容見齊衰者雖狎必變見冕者與贊者雖喪必以貌凶服者式之式負版者有盛饌必變色而作迅雷風

烈必變○升車必正立執綬車中不內顧不疾言不親指○色斯舉矣翔而後集曰山梁雌雉時哉時哉子路共之三嗅而作

論語卷之上畢

論語卷之下

朱熹集註

先進第十一

子曰先進於禮樂野人也後進於禮樂君子也如用之則吾從先進○子曰從我陳蔡者不及門也則皆德行顏淵閔子騫冉伯牛仲弓言語宰我子貢政事冉有季路文學子游子夏○子曰回也非助我者也於吾言無所不說○子曰孝哉閔子騫人不聞於其父母昆弟之言○南容三復白圭孔子以其兄之子妻之○季康子問弟子孰為好學孔子對曰有顏回者好學不幸短命死矣今也則亡○顏淵死顏路請子之車以為之槨子

曰才不才亦各言其子也。鯉也。死有棺而無槨。吾不徒
行以爲之。椁以吾從。大夫之後不可徒行也。○顏淵死
子曰噫。天喪予。天喪予。顏淵死。子哭之慟。從者曰子慟
矣。子曰有慟乎。非夫人之爲慟而誰爲。○顏淵死。門人
欲厚葬之。子曰不可。門人厚葬之。子曰回也視予猶父
也。予不得視猶子也。非我也。夫二三子也。○季路問事
鬼神。子曰未能事人。焉能事鬼。敢問死。曰未知生。焉知
死。○閔子侍側。閔如也。子路行。行如也。冉有子貢侃
侃如也。子樂若由也。不得其死然。○魯人爲長府。閔子
騫曰。仍舊貫。知之何何必。改作子曰。夫人不言。言必有

中○子曰由之瑟奚爲於丘之門。門人不敬子路。子曰
由也。外堂矣。未入於室也。○子貢問師與商也孰賢。子
曰師也過。商也不及。曰然則師愈。與子曰。遇猶不及。○
季氏富於周公。而求也爲之聚斂。而附之。益子曰。非吾
徒也。小子鳴鼓而攻之可也。○柴也愚。參也魯。師也辟
由也喭。○子曰回也其庶乎。屢空賜不受命而貨殖焉。
億則屢中。○子張善人之間。道子曰。不踐迹。亦不久於
室。○子曰論篤是與。君子者乎。邑莊者乎。○子路問聞
斯行。諸子曰。有父兄在。如之何其聞斯行之。冉有問聞
斯行。諸子曰。聞斯行。諸公西華曰。由也問聞斯行。諸子

曰有父兄在求也問聞斯行之子曰聞斯行之赤也惑
敢問子曰求也退故進之由也無人故退之○子張於
匡顏淵後子曰吾以女為死矣曰子在回何敢死○季
子然問仲由冉求河謂大臣與子曰吾以子為異之間
曾由與求之間所謂大臣者以道事君不可則止今由
與求也河謂臧臣矣曰然則從之者與子曰殺父與君
亦不從也○子路使子羔為費宰子曰賊夫人之子子
路曰有民人焉有社稷焉何必讀書然後為學子曰是
故惡夫佞者○子路曾皙冉有公西華待坐子曰以吾
一日長乎爾毋吾以也居則曰不吾知也如或知爾則

何以哉子路率爾而對曰千乘之國攝乎大國之間加
之以師旅因之以饑饉由也為之比及三年可使有勇
且知方也夫子哂之求爾何如對曰方六七十里若五
十求也為之比及三年可使足民如其禮樂以俟君子
赤爾如何對曰非曰能之願學焉宗廟之事如會同端
章甫願為小相焉點爾何如鼓瑟希鐙爾舍瑟而作對
曰異乎三子者之撰子曰何傷乎亦各言其志也曰暮
春者春服既成冠者五六人童子六七人浴乎沂風乎
舞雩詠而歸夫子喟然歎曰吾與點也三子者出曾皙
後曾皙曰夫三子者之言何如子曰亦各言其志也已

矣。曰：夫子何晒由也？曰：爲國以禮，其言不讓，是故晒之。唯求則非邦也，與安見方六七十里，而後非邦也？者，唯赤則非邦也，與宗廟會同，非諸侯而何赤也？爲之小，孰能爲之？大。

顏淵第十二

顏淵問：仁。子曰：克己復禮爲仁。一日克己復禮，天下歸仁焉。爲仁由己，而由人乎哉？顏淵曰：請問其目。子曰：非禮勿視，非禮勿言，非禮勿聞，非禮勿動。顏淵曰：回雖不敢請事斯語矣。○仲弓問：仁。子曰：出門如見大賓，使民如承大祭。己所不欲，勿施於人。在邦無怨，在家無怨。仲

弓曰：雍雖不敏，請事斯語矣。○司馬牛問：仁。子曰：仁者其言也訥，斯謂之仁矣乎？子曰：爲仁乎？子曰：爲之難，言之得無訥乎？○司馬牛問：曰：君子不憂不懼。曰：不憂不懼，斯謂之君子矣。子曰：內省不疚，夫何憂何懼？○司馬牛曰：人皆有兄弟，我獨亡。子夏曰：商聞之矣。死生有命，富貴在天。君子敬而無失，與人恭而有禮，四海之內皆兄弟也。君子何患乎無兄弟也？○子張問：明子。曰：浸潤之謂，膚受之愆，不行焉，可謂明也已矣。浸潤之謂，膚受之愆，不焉，可謂遠也已矣。○子貢問：政。子曰：足食，足兵，民信之矣。子貢曰：必不得已而去，於斯三

者何先曰去兵子貢曰必不得已而去於斯二者何先
曰去食自古皆有死民無信不立○棘子成曰君子質
而已矣何以文爲子貢曰惜乎夫子說君子也與不及
古文稱質也質猶文也虎豹之鞞猶犬羊之鞞○哀公
問於有若曰年饑用不足知之何有若對曰盍徹乎曰
二吾猶不足知之何其徹也對曰百世足若孰與不足
百姓不足君孰與足○子張問崇德辨惑子曰主忠信
徙義崇德也愛之欲其生惡之欲其死既欲其生又欲
其死是惑也誠不以富亦祇以異○齊景公問政於孔
子孔子對曰君君臣臣父父子子公曰善哉信如君不

君臣不臣父不父子不子雖有粟吾得而食諸乎○子
曰片言可以折獄者其由也與子路無宿諾○子曰聽
訟吾猶人也必也使無訟乎○子張問政子曰居之無
倦行之以忠○子曰博學於文約之以禮亦可以弗畔
矣夫○子曰君子成人之美不成人之惡小人反之○
季康子問政於孔子孔子對曰政者正也子帥以正孰
敢不正○季康子患盜問於孔子孔子對曰苟子之不
欲雖賞之不竊○季康子問政於孔子如殺無道以
就有道何如孔子對曰子爲政焉用殺子欲善而民善
矣君子之德風小人之德草草上之風必偃○子張問

士何如斯可謂遠達矣子曰何哉爾所謂遠者子張對曰在邦必聞在家必聞子曰是聞也非遠也夫遠也者質直而好義察言而觀色慮以下人在邦必達在家必達夫聞也者色取仁而行違居之不疑在邦必聞在家必聞○樊遲從遊於舞雩之下曰敢問崇德脩慝辨惑子曰善哉問先事後得非崇德與政其惡無攻人之惡非恪焉與一朝之忿忘其身以及其親非惑與○樊遲問仁子曰愛人問知子曰知人樊遲未達子曰舉直錯諸枉能使枉能直樊遲退見子夏曰鄉也吾見於夫子而問知子曰舉直錯諸枉使能枉者直何謂也子夏曰

富哉言乎舜有天下選於衆舉臯陽不仁者遠矣陽有天下選於衆舉伊尹不仁者遠矣○子貢問友子曰忠告而善道之不可則止無自辱焉○曾子曰君子以文會友以友輔仁

子路第十三

子路問政子曰先之勞之請益曰無倦○仲弓為季氏宰問政子曰先有司赦小過舉賢才曰焉知賢才而舉之曰舉爾所知爾所不知人其捨諸○子路曰衛君待子而為政子將奚先子曰必也正名乎子路曰有是哉子之迂也奚其正子曰野哉由也君子於其所不知蓋

闕如也。名不正則言不順，言不順則事不成，事不成則禮樂不興，禮樂不興則刑罰不中，刑罰不當則民無所措手足。故君子名之必可言也，言之必可行也。君子於其言無所苟而已矣。○樊遲請學稼，子曰：「吾不如老農。」請學爲圃，曰：「吾不如老圃。」樊遲出，子曰：「小人哉，樊須也！」上好禮則民莫敢不敬，上好義則民敢無不服，上好信則民莫敢不用情。夫如是，則四方之民襁負其子而至矣，焉用稼？○子曰：「誦詩三百，授之以政，不達，使於四方，不能專對，雖多亦奚以爲？」○子曰：「其身正，則令不行；其身不正，雖令不從。」○子曰：「魯衛之政，兄弟也。」○子謂衛

公子荆善居室，始有曰「苟合矣」，少有曰「苟美矣」，富子曰「苟美矣」。○子適齊，冉有僕，子曰：「庶矣哉！」冉有曰：「既庶矣，又何加焉？」曰：「富之。」曰：「既富矣，又何加焉？」曰：「教之。」○子曰：「苟有用我者，期月而已可也，三年有成。」○子曰：「善人爲邦，百年亦可以勝殘去殺矣。誠哉是言也！」○子曰：「如有王者，必世而後仁。」○子曰：「苟正其身矣，於行政乎何有？不能正其身，如正人何？」○冉有退朝，子曰：「何晏也？」對曰：「有政。」子曰：「其事也，如有政，雖不吾以，吾其與聞之。」○定公問：「一言而可以興邦，有諸？」孔子對曰：「言不可以若是其幾也。」人之言曰：「爲君難，爲臣不易。」知爲君之難也，不

幾乎一言而興邦乎曰一言而喪邦有諸孔子對曰言
可以若是其幾也人之言曰予無樂乎為君唯其言
而莫予違也如其善而莫之違也不亦善乎如不善而
莫之違也不幾乎一言而喪邦乎○葉公問政子曰近
者說遠者來○子夏為莒父宰問政子曰無欲速無見
小利欲速則不達見小利則大事不成○葉公語孔子
曰吾黨有直射者其父攘羊而子證之孔子曰吾黨之
直者異於是父為子隱子為父隱直在其中矣○樊遲
問仁子曰居處恭執事敬與人忠雖之夷狄不可棄也
○子貢問曰何如斯可謂之士矣子曰行己有恥使於

四方不辱君命可謂士矣曰敢問其次曰宗族稱孝焉
鄉黨稱弟焉曰敢問其次曰言必信行必果硜硜然小
人哉抑亦可以為次矣曰今之從政者何如○子曰噫
斗筭之人何足算也○子曰不得中行而與之必也狂
狷乎狂者進取狷者有所不為也○子曰南人有言曰
人而無恒不可以作巫醫善夫不恒其德或承之羞子
曰不占而已矣○子曰君子和不門小人同而不和
○子貢問曰鄉人皆好之何如子曰未可也○鄉人皆惡
之何如子曰未可也○不知鄉人之善者好之其不善者
惡之○子曰君子易事而難說也說之不以道不說也

及其使人也器之小人難事而易說也說之雖不以道
說也及其使人也求備焉○子曰君子泰而不驕小人
驕而不泰○子曰剛毅木訥近仁○子路問曰何如斯
可謂之士矣子曰切切偲偲怡怡如也可謂士矣朋友
切切偲偲兄弟怡怡○子曰善人教民七年亦可以即
戎矣○子曰以不教民戰是謂棄之

憲問第十四

憲問恥子曰邦有道穀邦無道穀恥也○克代怨欲不
行焉可以為仁矣子曰可以為難矣仁則吾不知也○
子曰士而懷居不足以為士矣○子曰邦有道危言危

行邦無道危行言孫○子曰有德者必有言有言者不
必有德仁者必有勇勇者不必有仁○南宮适問於孔
子曰羿善射彘盪舟俱不得其死然禹稷自稼而有天
下夫子不對南宮适出子曰君子哉若人尚德哉若人
○子曰君子而不仁者有矣夫未有小人而仁者也○
子曰愛之能勿勞乎忠焉能勿誨乎○子曰為命禘讎
辨創之世叔討論之行人子羽脩飾之東里子產潤色
之○或問子產子曰惠人也問子西曰彼哉彼哉問管
仲曰人也奪泊氏駢邑三百餼疏食沒齒無怨言○子
曰貧而無怨難富而無驕易○子曰孟公綽為趙魏老

則優不可以爲滕薛大夫○子路問成人子曰若臧武仲之知公綽之不欲卞莊子之勇冉求之藝文之以禮樂亦可以爲成人矣曰今之成者何必然見利思義見危思命久要不忘平生之言亦以可爲成人也矣○子問公叔文子於公孫賈曰信乎夫子不言不笑不取乎公明賈對曰以告者過也夫子時然後言人不厭其言樂而後笑人不厭其笑義然後取人不厭其取子曰豈然豈其然乎○子曰臧武仲以防求爲後於魯雖曰不要君吾不信也○子曰晉文公諱而不齊齊桓公正而不讒○子路曰桓公殺公子糾召忽死之管仲不死曰

未仁乎子曰桓公九合諸侯不以兵車管仲之力也如其仁如其仁○子貢曰管仲非仁者與桓公殺公子糾不能死又相之子曰管仲相桓公爾諸侯一匡天下民到于今受其賜微管仲吾其被髮左衽矣豈若匹夫匹婦之爲諱也自經於溝瀆而莫之知也○公叔文子之臣大夫僕與文子同外諸公子聞之曰可以爲文矣○子言衛靈公之無道也康子曰夫如是奚而不喪孔子曰仲叔圍治賓客祝鮀治宗廟王孫賈治軍族夫如是奚其喪○子曰其言之不作則爲之也難○陳成子弑簡公孔子沐浴而朝告於哀公曰陳恒弑其君請討之

公曰告夫三子孔子曰以吾從大夫之後不敢不告也
君曰告夫三子者之三子告不可孔子曰以吾從大夫
之後不敢不告也○子路問事君子曰勿斯也而犯之
○子曰君子上達小人下達○子曰古之學者爲己今
之學者爲人○蘧伯玉使人於孔子孔子與之坐而問
焉曰夫子何爲對曰夫子欲寡其過而未能也使者出
子曰使乎使乎○子曰不在其位不謀其政○曾子曰
君子思不出其位○子曰君子恥其言而過其行○子曰
君子道者三我無能焉仁者不憂知者不惑勇者不懼
子貢曰夫子自道也○子貢方人子曰賜也賢乎哉夫

我則不暇○子曰不患人之不已知患其不能也○

子曰不逆詐不億不信抑亦先覺者是賢乎○微生畝

謂孔子曰丘何爲是執柶者與無乃爲佞乎孔子曰非

敢爲佞也疾固也○子曰驥不稱其力稱其德也○子

曰以德報怨何如子曰何以報德以直報怨以德報德

○子曰莫我知也夫子貢曰何爲其莫知子也子曰不

怨天不尤人下學而上達知我者其天乎○公伯寮愬

子路於季孫子服景伯以告曰夫子固有惑志於公伯

寮吾力猶能肆諸市朝子曰道之將行也與命也道之

將廢也與命也公伯寮其如命何○子曰賢者辟世其

次辟地其次辟色其次辟言○子曰作者七人矣○子
路宿於石門晨門曰矣自子路曰自孔氏曰是知其不
可而為之者與○子擊磬於衛有荷蕢而過孔氏之門
者曰有心哉擊磬乎既而曰鄙哉硤硤乎莫已知也斯
已而已矣深則厲淺則揭子曰果哉未之難矣○子張
曰書云高宗諒陰三年不言何謂也子曰何必高宗古
之人皆然君薨百官總已以聽於冢宰三年○子曰上
好禮則民易使也○子路問君子子曰脩己以敬曰如
斯而已乎曰脩己以安人曰如斯而已乎曰脩己以安
百姓脩己以安百姓堯舜其猶病諸○原壤夷俟子曰

幼而不孫弟長而無述焉老而不死是為賊以杖叩其
脛○闕黨童子將命或問之曰益者與子曰吾見其居
於位也見其與先生並行也非求益者也欲速成者也

衛靈公第十五

衛靈公問陳於孔子孔子對曰俎豆之事則嘗聞之矣
軍旅之事未之學也明日遂行在陳絕糧從者病莫能
興子路愠見曰君子亦有窮乎子曰君子固窮小人窮
斯濫矣○子曰賜也女以予為多學而識之者與對曰
然非與曰非也予一以貫之○子曰由知德者鮮矣○
子曰無為而治者其舜也與夫何為哉恭己正南面而

已矣○子張問行子曰言忠信行篤敬雖蠻貊之邦行
矣言不忠信行不篤敬雖州里行乎哉立則見其參於
前也在輿則見其倚於衡也夫然後行子張書諸紳○
子曰直哉史魚邦有道如矢邦無道如矢君子哉蘧伯
玉邦有道則仕邦無道則可卷而懷之○子曰可與言
而不與之言失人不可與言而與之言失言知者不失
人亦不失言○子曰志士仁人無求生以害仁有殺身
以成仁○子貢問爲仁子曰工欲善其事必先利其器
居其國也事其大夫之賢者友其士之仁者○顏淵問
爲邦子曰行夏之時乘殷之輅服周之冕樂則韶舞放

鄭聲遠佞人鄭聲淫佞人殆○子曰人無遠慮必有近
憂○子曰已矣乎吾未見好德如好色者也○子曰臧
文仲其竊位者與知柳下惠之賢而不與立也○子曰
躬自厚而薄責於人則遠怨矣○子曰不曰如之何如
之何者吾未如之何也已矣○子曰羣居終日言不及
義好行小慧難矣哉○子曰君子義以爲質禮以行之
孫以出之信以成之君子哉○子曰君子病無能焉不
病人之不己知也○子曰君子疾沒世而名不稱焉○
子曰君子求諸已小人求諸人○子曰君子矜而不爭
群而不黨○子曰君子不以言舉人不以人廢言○子

貢問曰有一言而可以終身行之者乎子曰其恕乎已
所不欲勿施於人○子曰吾之於人也誰毀誰譽如有
所譽者其有所誠矣斯民也三代之所以直道而行也
○子曰吾猶及史之闕文也有馬者借人乘之今亡矣
夫○子曰巧言亂德小不忍則亂大謀子曰象惡之必
察焉衆好之必察焉○子曰人能弘道非道弘人○子
曰過而不改是謂過矣○子曰吾嘗終日不食終夜不
寢以思無益不如學也○子曰君子謀道不謀食耕也
餘在其中矣學也祿在其中矣君子憂道不憂貧○子
曰知及之仁不能守之雖得之必失之知及之仁能守

之不莊以蒞之則民不敬知及之仁能守之莊以蒞之
動之不以禮未善也○子曰君子不可小知而可大受
也小人不可大受而可小知也○子曰民之於仁也甚
於水火水火吾見蹈而死者矣未見蹈仁而死者也○
子曰當仁不讓於師○子曰君子貞而不諫○子曰事
君敬其事而後其食○子曰有教無類○子曰道不同
不相爲謀○子曰辭達而已矣○師冕見及階子曰階
也及席子曰席也皆坐子告之曰某在斯某在斯師冕
出子張問曰與師言之道與子曰然固相師之道也

季氏第十六

季氏將伐顓臾冉有季路見於孔子曰季氏將有事於
顓臾孔子曰求無乃爾是過與夫顓臾昔者先王以爲
東蒙主且在那城之中矣是社稷之臣也何以伐爲冉
有曰夫子欲之吾二臣者皆不欲也孔子曰求周任有
言曰陳力就列不能者止危而不持顛而不扶則將焉
用彼相矣且爾言過矣虎兕出於押籠玉毀於楨中是
誰之過與冉有曰今夫顓臾固而近於費今不取後世
必爲子孫憂孔子曰求君子疾夫舍曰欲之而必爲之
辭丘也聞有國有家者不患寡而患不均不患貧而患
不安蓋均無貧和無寡安無傾夫如是故遠人不服則

脩文德以來之既來之則安之今由與求也相夫子遠人
不服而不能來也邦分崩離析而不能守也而謀動于
戈於邦內吾恐季孫之憂不在顓臾而在蕭牆之內也
○孔子曰天下有道則禮樂征伐自天子出天下無道
則禮樂征伐自諸侯出自諸侯出蓋十世希不失矣自
大夫出五世希不失陪臣執國命三世希不失矣天下
有道則政不在大夫天下有道則庶人不議○孔子
曰綠之去公室五世矣政逮於大夫四世矣故夫三
桓之子孫微矣○孔子曰益者三友損者三友友直友諒
友多聞益矣友便辟友善柔友便佞損矣○孔子曰益

者三樂損者三樂樂節禮樂樂道人之善樂多賢友益
矣樂驕樂樂佚遊樂宴樂損矣○孔子曰侍於君子有
三愆言未及之而謂之踈言及之而不言謂之隱未見
顏色而言謂之瞽○孔子曰君子有三戒少之時血
氣未定戒之在色及其壯也血氣方剛戒之在鬥及
其老也血氣既衰戒之在得○孔子曰君子有三畏畏
天命畏大人畏聖人之言小人不知天命而不畏也狎
大人侮聖人之言○孔子曰生而知之者上也學而知之
者次也困而學之又其次也困而不學民斯為下矣
○孔子曰君子有九思視思明聽思聰色思溫貌思恭

言思忠事思敬疑思問忿思難見得思義○孔子曰見
善如不及見不善如探湯吾見其人矣吾聞其語矣隱
居以求其志行義以達其道吾聞其語矣未見其人也
○齊景公有馬千駟死之日民無德而稱焉伯夷叔齊
餓于首陽之下民到于今稱之其斯之謂與○陳亢問
於伯魚曰子亦有異聞乎對曰未也嘗獨立鯉趨而過
庭曰學詩乎對曰未也不學詩無以言鯉退而學詩他
日又獨立鯉趨而過庭曰學禮乎對曰未也不學禮無
以立鯉退而學禮聞斯二者陳亢退而喜曰問一得三
聞詩聞禮又聞君子之遠其子也○邦君之妻君稱之

曰夫人夫人自稱曰小童邦人稱之曰君夫人稱諸異邦曰寡小君異邦人稱之亦曰君夫人

陽貨第十七

陽貨欲見孔子孔子不見歸孔子豚孔子時其亡也而往拜之遇諸塗謂孔子曰來予與爾言曰懷其寶而迷其邦可謂仁乎曰不可好從事亟失時可謂知乎曰不可日月遊矣歲不我與孔子曰諾吾將仕矣○子曰姓相近也習相遠也○子曰惟上知與下愚不移○子之武城聞弦歌之聲夫子莞爾而笑曰割雞焉用牛力子游對曰昔者偃也聞諸夫子曰君子學道則愛人小人

學道則易使也子曰二三子偃之言是也前言戲之耳

○公山弗擾以費畔召子欲往子路不說曰未之也

已何必公山氏之之也子曰夫召我者而豈徒哉如有

用我者吾其為東周乎○子張問仁於孔子孔子曰能

行五者於天下為仁矣請問之曰恭寬信敏惠恭則不

侮寬則得衆信則人任焉敏則有功惠則足以使人○

佛肸召子欲往子路曰昔者由也聞諸夫子曰親於其

身為不善者君子不入也佛肸以中牟畔子之往也如

之何子曰然有是言也不曰賢乎磨而不磷不曰白乎

涅而不緇吾豈匏瓜也哉焉能繫而不食○子曰由也

也

女聞六言六蔽矣乎對曰未也居吾語女好仁不好學其蔽也愚好知不好學其蔽也蕩好信不好學其蔽也賊好直不好學其蔽也絞好勇不好學其蔽也亂好剛不好學其蔽也狂○子曰小子何莫學夫詩詩可以興可以觀可以羣可以怨邇之事父遠之事君多識於鳥獸草木之名○子謂伯魚曰女為周南召南矣乎人而不為周南召南其猶正牆面而立也與○子曰禮云禮云王帛云乎哉樂云樂云鐘鼓云哉哉○子曰色厲而內荏瞻諸小人其猶穿窬之盜也與○子曰鄉原德之賊也○子曰道聽而塗說德之棄也○子曰鄙夫可與

事君也與哉其未得之也患得之既得之患失之苟患失之無所不至矣○子曰古者民有三疾今也或是一亡也古之狂也肆今之狂也蕩古之矜也廉今之矜也忿戾古之愚也直今之愚也詐而已矣○子曰巧言令色鮮矣仁○子曰惡紫之奪朱也惡鄭聲之亂雅樂也惡利口之覆邦家者○子曰予欲無言子貢曰子如不言則小子何述焉子曰天何言哉四時行焉百物生焉天何言哉○孺悲欲見孔子孔子辭以疾將命者出戶取瑟而歌使之聞之○宰我問三年之喪斯已久矣君子三年不為禮禮必壞三年不為樂樂必崩舊穀既沒

新穀既升，鑽燧改火，期可已矣。子曰：食夫稻，衣夫錦，於女安乎？曰：安。女安則爲之。夫君子之居喪，食旨不甘，聞樂不樂，居處不安，故不爲也。今女安則爲之，宰我出，子曰：予之不仁也。子生三年，然後免於父母之懷。夫三年之喪，天下之通喪也，予也有三年之愛於其父母乎？○子曰：飽食終日，無所用心，難矣哉！不有博奕者乎？爲之猶賢乎已。○子路曰：君子尚勇乎？子曰：君子義以爲上，君子有勇而無義爲亂，小人有勇而無義爲盜。○子貢曰：君子亦有惡乎？子曰：有惡。惡稱人之惡者，惡居下流而訕上者，惡勇而無禮者，惡果敢而窒者。曰：賜也，亦有

惡乎？惡微以爲知者，惡不孫以爲勇者，惡訐以爲直者。○子曰：唯女子與小人爲難養也。迩之則不孫，遠之則怨。○子曰：年四十而見惡焉，其終也已。

微子第十八

微子去之，箕子爲之奴，比干諫而死。孔子曰：殷有三仁焉。○柳下惠爲士師，三黜，人曰：子未可以去乎？曰：直道而事人，焉往而不三黜？枉道而事人，何必去父母之邦？○齊景公侍孔子，曰：若李氏則吾不能以李孟之間待之，曰：吾老矣，不能用也。孔子行。○齊人歸女樂，李桓子受之，三日不朝。孔子行。○楚狂接輿歌而過孔子，曰：鳳

兮風兮何德之衰往者不可諫來者猶可追已而已而
今之從政者殆而孔子下欲與之言趨而辟之不得與
之言○長沮桀溺耦而耕孔子過之使子路問津焉長
沮曰夫執輿者為誰子路曰為孔子曰是魯孔丘與曰
是也曰是知津矣問於桀溺桀溺曰子為誰曰為仲由
曰是魯孔丘之徒與對曰然曰滔滔者天下皆是也而
誰以易之且而與其從辟人之士也豈若從辟世之士
哉耰而不輟子路行以告夫子憮然曰鳥獸不可與同
羣吾非斯人之徒與而誰與天下有道丘不與易也○
子路從而後遇丈人以杖荷篠子路問曰子見夫子乎

丈人曰四體不動五穀不分孰為夫子植其杖而芸子
路拱而立止子路宿殺雞為黍而食之見其二子焉明
日子路行以告子曰隱者也使子路及見之至則行矣
子路曰不仕無義長幼之節不可廢也君臣之義如之
何其廢之欲潔其身而亂大倫君子之仕也行其義也
道之不行已知之矣○逸民伯夷叔齊虞仲夷逸朱張
柳下惠少連子曰不降其志不辱其身伯夷叔齊與謂
謂虞仲夷逸隱居放言身中清廢中權我則異於是無
可無不可○大師摯適齊亞飯于適楚三飯繚適蔡四

飯缺適秦鼓方叔入于河播鼗武入于漢少師陽擊磬
襄入于海○周公謂魯公曰君子不施其親不使大臣
怨乎不以故舊無大故則不棄也無求備於一人○周
有八士伯達伯适仲突仲忽叔夜叔夏李隨李駟

子張第十九

子張曰士見危致命見得思義祭思敬喪思哀其可已
矣○子張曰執德不弘信道不篤焉能為有焉能為亡
○子貢之門人問交於子張子張曰子夏云何對曰子
夏曰可者與之其不可者拒之子張曰異乎吾所聞君
子尊賢而容衆嘉善而矜不能我之大賢與於人何所

不容我之不賢與人將拒我如之何其拒人也○子夏
曰雖小道必有可觀者焉致遠恐泥是以君子不為也
○子夏曰日知其所亡月無忘其所能可謂好學也已
矣○子夏曰博學而篤志切問而近思仁在其中矣○
子夏曰百工居肆以成其事君子學以致其道○子夏
曰小人之過也必文○子夏曰君子有三變望之儼然
即之也溫聽其言也厲○子夏曰君子信而後勞其民
未信則以為厲已也信而後讓未信則以為誹已也○
子夏曰大德不踰閑小德出入可也○子游曰子夏之
門人小子當洒掃應對進退則可矣抑未也本之則無

如之何子夏聞之曰噫言游過矣君子之道孰先傳焉孰後倦焉譬諸艸水區以別矣君子之道焉可誣也有始有卒者其惟聖人乎○子夏曰仕而優則學學而優則仕○子游曰喪致乎哀而止○子游曰吾友張也為難能也然而未仁○曾子曰堂堂乎張也難與並為仁矣○曾子曰吾聞諸夫子人未有自致者也必也親喪乎○曾子曰吾聞諸夫子孟莊子之孝也其他可能也其不改父之臣與父之政是難能也○孟氏使陽膚為士師問於曾子曾子曰上失其道民散久矣如得其情則哀矜而勿喜○子貢曰紂之不善不如是之甚也是

以君子惡居下流天下之惡皆歸焉○子貢曰君子之過也如日月之食焉過也人皆見之更也人皆仰之○衛公孫朝問於子貢曰仲尼焉學子貢曰此文之道未墜於地也人賢者識其大者不賢者識其小者莫不有文武之道焉夫子焉不學而亦何常師之有○叔孫武叔語大夫於朝曰子貢賢於仲尼子服景伯以告子貢子貢曰譬之宮牆賜之牆也及肩窺見室家之好曰夫子之牆數仞不得其門而入不見宗廟之美百官之富得其門者或寡矣夫子之云不亦宜乎○叔孫武叔毀仲尼子貢曰無以為也仲尼不可毀也他人之賢者其陵也

猶可踰也仲尼日月也無得而踰焉人雖欲自絕其何傷於日月乎多見其不知量也○陳子禽謂子貢曰子為恭也仲尼豈賢於子乎子貢曰君子一言以為知一言以為不知言不可不慎也夫子之不可及也猶天之不可階而升也夫子之得邦家者所謂立之斯立道之斯行綏之斯來動之斯和其生也榮其死也哀如之何其可及也

堯曰第二十

堯曰咨爾舜天之曆數在爾躬允執其中四海困窮天祿永終舜亦以命禹曰予小子履敢用玄牡敢昭告于

皇皇后帝有罪不敢赦帝臣不蔽簡在帝心朕躬有罪無以萬方萬方有罪罪在朕躬周有大賚善人是富無有周親不如仁人百世有過在予一人謹權量審法度修廢官四方之政行焉興滅國繼絕世舉逸民天下之民歸心焉所重民食喪祭寬則得衆信則民任焉敏則有功公則說○子張問於孔子曰何如斯可以從政矣子曰尊五美屏四惡斯可以從政矣子張曰何謂五美子曰君子惠而費不勞而怨不而欲不貪泰而不驕威而不猛子張曰何謂惠曰不費子曰困民之所利而利之斯不而思而不費子擇可勞而勞之又誰怨欲仁而

仁又馬貪君子無眾寡無小大無敢慢斯不亦泰而不
驕乎君子正其衣冠尊其瞻視儼然人望而畏之斯不
亦威而不猛乎子張曰何謂四惡子曰不教而殺謂之
虐不戒視成謂之暴慢令致斯謂之賊猶之與人也出
納之吝謂之有司○子曰不知命無以為君子也不知
禮無以立也不知言無以知人也

論語卷之下畢

東 京 圖 書 館

漢書門

經

類

函

七

架

六

號

四

冊